

Infos fürs Schuljahr 2026/2027



Bainvegni en la Scola Trin



Pled preliminar

Charas scholaras e chars scolars, stimads geniturs

Cun l'entschatta dal nov onn da scola cumenza per noss uffants puspè in temp captivant plain novas experientschas, inscunters ed experientschas cuminaivlas. Mintga di da scola porta muments pitschens e gronds, nua ch'i vegn emprendì, ris, scuvert e creschì comunablamain.

Igl ans è in grond giavisch ch'ils uffants sa sentan bain, segirs e bainvegnids en la scola da Trin. Ina buna scola viva d'ina ferma cuminanza. Quai èn ils uffants, las persunas d'instrucziun, las collavuraturas ed ils collavurats, ils geniturs e tut las persunas che cumpartan e fuorman nossa scola.

Cun questa broschura as vulain nus dar ina survista da l'onn da scola sco era infurmaziuns impurtantas davart il mintgadi da scola.

Nus ans legrain sin bleras bellas scuntradas, sin ina collavuraziun fidaivla e sin in onn da scola cuminaivel plain muments prezius.

Cordials salids

Mainascola e cussegl da scola da Trin



Inhaltsverzeichnis

VORWORT	2
INHALTSVERZEICHNIS	3
TEAM 2026/2027	4
SCOLA TRIN IN ZAHLEN, SCHULJAHR 2026/2027	9
MITTAGSTISCH UND WEITERFÜHRENDE BETREUUNGSANGEBOTE	10
STUNDENPLAN.....	11
JAHRESPLAN	12
SCHUL- UND FERIEPLAN SCHULJAHR 2026/2027.....	13
SPEZIFISCHE INFOS FÜR DIE SCOLETTA.....	14
SCHLUSSWORT.....	17
SCHUL-ABC.....	19
WEITERE ADRESSEN	27

Team 2026/2027

Scoletta		Martina Koch Monica Calonder
Scola primara	1. classa 2. classa 3. classa 4. classa 5. classa 6. classa	Kathrin Domeni, Petra Tuor Anna Cathomen Martina Caprez Christof Loher Larina Fravi Miriam Derungs, Gian-Marco Maissen
Persunas d'instrucziun spez.		Simona Büchel Annabarbla Hyseni
Pedagogas currativas		Antonia Bertogg Lena Caprez (Scoletta)
Pedel		Carl Caflisch
Gruppa da nettegiament		Anita Buella, Carmen Clavadetscher Daniela Gehring, Corina Klingl
Structura dal di		Priska Caflisch
Mainascola		Christian Erni

Per ils fatgs operativs da la scoletta e da la scola è il manader da scola responsabel. El è pia responsabel per la direcziun administrativa, organisatorica, persunala e pedagogica.

Cussegl da scola	presidenta ciclus 1 ciclus 2 structuras da di stgalim sup. Flem	Carolyn Tobler Martina Frischknecht Marc Adam Nina Aregger Curt Casty, Vicepresident
-------------------------	---	--

Il cussegl da scola vegn elegì mintga trais onns da las votantas e dals votants da la vischnanca da Trin. El maina e surveglia ils fatgs da scola e scolina en applicaziun da las prescripziuns federalas, chantunalas e communalas. El è responsabel per ils fatgs strategics.

Nov tar nus en il team (ni nov en in'otra posiziun):

Monica Calonder, scoletta

Tgenins trais plets descrivan il meglier tes stil d'instrucziun?

Umoristic, empatic, gist e consequent ... ups, qua èn bain sa svilupadas quatter qualitads.

Pertge vulevas ti daventar scolasta a Trin?

Jau hai qua mias ragischs ed hai gi la pussaivladad avant intgins onns da returnar professiunalmain en mes vitg natal. In auter motiv è il grondius team da Trin.

Co vesa in di gartegià en la scola da Trin ora per tai?

Sche ils uffants bandunan la stanza cun in sentiment da cuntentientscha.

Café u té – e quantas scadiolas per di?

Cler café. Lain dir uschia: Avunda per dumagnar bain il di 😊



Lena Caprez, pedagoga currativa scoletta



Tgenins trais plets descrivan il meglier tes stil d'instrucziun?

cordial, autentic e creativ

Pertge has ti ina professiun da siemi?

...jau na vai mai lungurus – mintga di spetgan novas aventuras interessantas cun umans mirveglius.

Café u té – e quantas scadiolas per di?

Jau hai gugent mes café da la damaun che jau dastg baiver per mai suletta avant l'entira truscha dal di 😊 – mintgatant dastgi era esser in segund (ni terz).

Tge era sco uffant tes past preferi? Sche jau dastgava giavischar, devi adina buglia semulina (Griessbrei) cun tschareschas. Quai vai jau era perpetnisà en divers cudischs d'amizicia – mo vai jau scrit quai per sbagli «Greisbrei». (buglia da vegls).

Anna Cathomen, scolasta da classa 2. classa

Tge ha inspirà tai da daventar persuna d'instrucziun?

La maschaida tranter emprender, rir e mintgant era in zic improvisaziun m'ha persvadì. Jau chat nunditg enritgint da dastgar accompagnar ils uffants in toc sin lur via e da viver lur svilup.

Tge è fitg impurtant per tai en il contact cun las scholaras ed ils scolars da Trin?

Per mai èsi impurtant ch'ils uffants restan mirveglius, surpiglian responsabladad e secreian d'insatge. Sbagls tutgan tar l'emprender e savens emperndan ins dad els dapli che da las chaussas che gartegian en la bahuta.

Sche ti pudessas inventar in rom – co avess quai num?

«Emprender animalic» Jau chat fascinant co ch'ils animals pon sustegnair process d'emprender. Perquai inventass jau in rom nua ch'ils uffants emperndan d'enconuscher il contact cun animals cun respect ed il medem mument emperndan els bler davart responsabladad, observaziun ed empatia.

Sche ti pudessas avoir ina superforza per il mintgadi da scola – tgenina fiss quai?

La capaciad da chattar entaifer secundas tagls da colla sparids e stgatlàs da tschinclas svanidas.



Martina Caprez, scolasta da classa 3. classa



Tge è stà tia pli bella experientscha sco persuna d'instrucziun? Igl èn adina puspè ils muments, nua ch'uffants betg rumantschs discurran lur emprimas frاسas rumantschas.

Tge fermezzas portas ti en nossa cuminanza da scola?

Jau sun nunagitada, terrenada e s'enschegnel.

Café u té – e quantas scadiolas per di?

Café fin mezdi. Jau emprov betg da vegnir sur trais scadiolas. Mintgant gartegi 😊. Suentermizdi té. Ma mo sch'el è chaud. Uschiglio pli gugent puspè café. Nachmittags Tee. Aber nur, wenn er heiss ist. Sonst lieber wieder Kaffee.

Tge trais «chaussas» na dastgan betg mancar en tia stanza da scola?

Urden, humor e Confuzius

Gian-Marco Maissen, co-scolast da classa 6. classa

Sche ti pudessas inventar in rom – co avess quai num?

Emprender per la vita. Il mintgadi da scola è fitg structurà, plain cumpetenzas e finamiras d'emprender. Ed uschia manchent jau mintgatant ils muments, nua ch'i dat temp per las scholaras ed ils scholars da respirar e da sa focussar sin l'essenzial da nossa vita: La vita. Il rom fiss bain en furma dad emnas tematicas regularas, en las qualas ils uffants pon s'approfundar cun avunda temp en in tema. Saja quai da designar e scrinar ina mobiglia u da planisar e realisar ina tura da plirs dis (incl. budget e tschertgar alloschis).

Sche tia stanza da scola avess in motto, co avess quai dad esser?

Wenn dein Klassenzimmer ein Motto hätte, wie würde es lauten?

«Igl è adina in dar ed in prender.» Per mai èsi fitg impurtant che la classa possia lavurar a moda fitg independenta. Quai munta per ella dapli libertads, ma era per mai sco persuna d'instrucziun. Libertads muntan dentant era responsabladad. Pli ch'ìls scholars cumprovan ch'els san ir enturn cun las libertads e pli gronda che lur influenza daventa sin la furmaziun dal mintgadi da scola.

Has ti in nickname?

Mes scolast primar en l'emprima classa da Puntraschigna m'ha ina giada numnà spontanamain Giamma, perquai che Gian-Marco era memia lung. Uschia è mes surnum Gianni da lez temp vegnì remplazzà adina pli fitg cun Giamma. Oz sun jau fitg cuntent da quai, pertge Giamma ma plascha bler meglier che Gianni. E surpudentamain n'hai jau fin ussa mai viscà in segund Giamma. Pia pssst, per plaschair betg dir vinavant 😊.





Priska Cafilisch, manadra
 structuradas dal di

**Tge experientschas has ti gia pudì rimnar sco
 persuna spezialisada da la tgira?**

Mia scolaziun hai jau absolvi en moda classica en ina canorta d'uffants. Là ed ils onns suandants hai jau dastgà emprender inqual chaussa per mai e per mes avegnir. Sunter che jau sun daventada senza mamma hai jau senti che jau dovr ina midada. Uchia hai jau chattà la via tar la structura dal di e la lavur cun uffants pli vegls.

Sin tgai t'alegras ti pli fitg da noss team da scola?

Jau ma legrel sin in viv barat e sin blers novs inscunters che vegnan ad enritgir la structura dal di.

Tge poss ti desister grevamain?

Glatsch.

Nus tuts beneventain cordialmain las novas persunas d'instrucziun tar nus e giavischain ina buna entschatta en la scola da Trin.



Scola Trin en cefras, onn da scola 2026/2027

	Buobas	Buobs	total	ss	sc/st
scoletta Martina	10	8	18		
scoletta Monica	7	10	17		
scoletta			35		
1. classa	15	2	17		
2. classa	5	15	20		
3. classa	9	10	19		
4. classa	8	5	13		
5. classa	11	9	20		
6. classa	8	8	16		
scola primara			105		
dumber total SJ 26/27			140	28	18
dumber da scholars ods 25/26			144	25	15
dumber da scholars ods 24/25			135	31	13
dumber da scholars ods 23/24			130	28	11
dumber da scholars ods 22/23			121	28	9
dumber da scholars ods 21/22			119	28	9

ods: onn da scola - ss: stgalim superiur Flem - sc: scola chantunala - st: scola da talents



maisa da mezdi e ulteriuras purschidas da tgira

Las infurmaziuns davart la maisa da mezdi e davart las purschidas da tgira cuntinuantas vegnan repartidas mintgamai en il segund semester. Cun in scleriment dals basegns vulain nus chattar ora, tge purschidas che vegnan giavischadas e duvradas da las famiglias. Sch'igl exista in basegn correspudent, vegnan purschidas sper la maisa da mezdi er structuradas dal di extendidas. Questas purschidas pon vegnir reservadas en moda favuraivla e lianta entaifer il termin fixà.

La tgira da mezdi cun dunsena vegn purschida en nossa vischnanca a la Maisa da Mezdi tar Gabi Sac sco er al Project gaud da muntogna. Domaduas purschidas èn vegnidas examinadas dal chantun ed han ina permissiun correspudenta. Als uffants vegn pussibilità uschia in rom assistì cun alimentaziun cuminaivla ed inscunters prezius.

Per l'onn da scola 2026/2027 essan nus en la situaziun allegraivla che la structura dal di da Trin reussescha per l'emprima giada. Nus ans legrain fitg. Ensemen dastgain nus iniziar in nov project captivant e crear uschia ina purschida supplementara per nossas famiglias.

Las structuradas dal di vegnan manadas da Priska Caflisch. Il mardi e la gievgia ha lieu mintgamai suenter la scola l'assistenza complementara a la scola.



Urari

Ils uraris definitivs vegnan tramess a Trin mintgamai fin la fin da matg a las personas cun la pussanza dals geniturs.

Plinavant chattais Vus ils plans a partir dal cumenzament da l'onn da scola nov sin nossa homepage sut organisaziun – uraris.



Plan annual

17. avust 2026	1. Di da scola onn da scola 2026/2027
08. settember 2026	saira da geniturs 2. classe (nova persuna d'instr.)
15. settember 2026	saira da geniturs 5. classe
settember	saira da geniturs 1. e 3. classe
settember	viadis d'atun da la ed 1. – 6. classe
08. october 2026	Muntinadas
December/Schaner	discurs singuls scola
Schaner 2027	scoletta-emna da skis
fin schaner 2027	attestat da semester ed assignaziun provisorica da la 6. classe
schaner/fevrer 2027	discurs da verificaziun 1. scoletta
schaner/fevrer 2027	dis da viseta scola Trin
mars/avrigl 2027	discurs da scolarisaziun 2. scoletta
mez avrigl 2027	assignaziun definitiva 6. classe
29. matg 2027	concert jubilar cunla scola da musica Plaun
matg/zercladur 2027	viadis da scoletta e scola 1. – 6. classe



Plan da scola e vacanzas onn da scola 2026/2027

instrucziun	17-08-2026 – 09-10-2026 8 emnas
vacanzas d'atun	10-10-2026 – 25-10-2026 2 emnas
instrucziun	26-10-2026 – 22-12-2026 8.5 emnas
vacanzas da Nadal	23-12-2026 – 05-01-2027 2 emnas
instrucziun	06-01-2027 – 26-02-2027 7.5 emnas
vacanzas da sport	27-02-2027 – 07-03-2027 1 emna
instrucziun	08-03-2027 – 16-04-2027 6 emnas
vacanzas da primavaira	17-04-2027 – 02-05-2027 2 emnas
instrucziun	03-05-2027 – 02-07-2027 9 emnas
vacanzas da stad	03-07-2027 – 15-08-2027 6 emnas
liber da la scola	Pasca 26-03-2027– 29-03-2027 Anzainzas 06-05-2027 – 07-05-2027 Gliendisdi da Tschuncaisma 17-05-2027
entschatta da scola 2027/2028	16-08-2027
vacanzas d'atun 2027/2028	09-10-2027 – 24-10-2027 2 emnas

Il plan da scola per onn actual, sco era per l'onn da scola 2027/2028
chattais vus sin www.scolatrin.ch sut organisaziun – plan da vacanzas.



Infos spezificas per la scoletta

Cun entrar en la Scoletta cumenza per voss uffant ina nova fasa da vita interessanta e particulara. Plain mirveglias, novas impressiuns e bleras bellas experientschas fa el ils emprims pass en ina nova cuminanza. En quest connex vegn voss uffant accompagnà e sustegnì plain affecziun da las persunas d'instrucziun da la scolina / scolastas da scoletta.

Ensemen cun ils auters uffants empra, scuvra, gioga e crescha Voss uffant di per di in toc pli lunsch. Sin questa via datti bellas experientschas, ma mintgant era sfidas, nua ch'ils uffants dastgan crescer e ch'els pon dumagnar cun sustegn.


Ina collavuraziun averta e fidaivla tranter chasa paterna e scola è fitg impurtanta per nus. En cas da malsegirezzas, da dumondas u da giavischs as supplitgain nus perquai da contactar ad uras las persunas d'instrucziun. Ensemen creain nus las meglras premissas pussaivlas per in cumenzament gartegià en la scoletta.



Cheutier chattais vus in pèr puncts impurtants per la scoletta, ulteriurs puncts èn enumerads en l'abc da scola:

Dis da viseta

Il favrer/mars ha lieu in avantmezdi da visita, a la quala ils geniturs vegnan envidads da visitar lur uffant en la Scoletta. Las infurmaziuns detagliadas davart quest'occurrenza vegnan repartidas a temp via Klapp.



Di da purtar insatgé

Mintgamai l'emprima mesemna dal mais dastgan ils uffants prender insatge davent da chasa en la Scoletta e mussar quai als auters uffants. Auters dis na duain ils uffants betg purtar ils termagls davent da chasa en la scoletta.

Independenza

Ina tscherta independenza vegn premissa en scolina. Uschia duessan ils uffants pudair far diever sulets da la tualetta e sa trair en sezs.



Gimnastica

Ils chalzers da gimnastica e la vestgadira da sport ch'ins po serrar il meglier cun ratun restan mintgamai en scolina e vegnan dads a chasa als uffants avant las vacanzas per sa lavar. Ils chalzers da gimnastica vegnan deponids la gievgia en il sector d'entrada dadens la Scoletta, per ch'els possian vegnir duvrads per il sportkids.



Vesta u tschinta da scolina

La vesta che vegn mantegnida il di da fufragnadi sto vegnir purtada mintga di en la scoletta. Ils scholars gronds salvan lur tschinta.



Mez di da guaud

Ina giada l'emna va la scoletta communablamain a guaud. Per quest avantmezdi èn ils chalzers stabils e la vestgadira correspondentia fitg impurtants.

Material da maletgs

L'onn da scola passà ha gi lieu in project da fotografar cun Johann Clopatt da la 1. fin la 6. classa. Las scholaras ed ils scholars han udì bleras fotografias e fatg fitg stupentas fotografias. Tut il material da maletgs che vegn duvrà en questa brochura deriva dals scholars – cun excepziun da las fotografias dals novs commembers dal team.



Pled final



Charas scolaras e chars scolars, stimads geniturs

Ina scola è bler dapli ch'in lieu d'emprender. Ella è in lieu d'inscunter, d'ina cuminanza e da svilup persunal. Per ch'ils uffants possian sa sviluppar ed emprender cun plaschair, dovri persunas che accumpognan, sustegnan e rinforzan els.

Nus engraziain cordialmain per la fidanza che vus ans mussais e per la preziosa collavuraziun en il mintgadi da scola. Ensemen creain nus per ils uffants in ambient, en il qual els sa sentan bain e dastgan crescer.

In grond engraziament tutga er a tut las persunas d'instrucziun, a tut las collavuraturas ed a tut ils collavuratur sco er a tut las ulteriuras persunas che s'engaschan di per di cun grond engaschament per la scola da Trin.

Nus giavischain a tut ils uffants in bel, captivant e ventiraivel onn da scola cun bleras experientschas preziasas, bellas amicizias e muments nunemblidaivels.

Herzliche Grüsse

Schulleitung und Schulrat der Scola Trin

ABC DA SCOLA

absenzas

La regulaziun davart las absenzas da scola chattais vus sin nossa pagina d'internet en l'urden disciplinar (sut downloads – leschas ed urden da scola), punct 5.

Guarda era sut ils dis da joker.

accidents

Per accidents che capitin durant la scola resp. durant la scolina è vossa assicuranza privata cunter accidents u la cassa da malsaus responsabla.

allergias

Igl è impurtant che vus infurmais la persuna d'instrucziun davart eventualas allergias u malsognas da voss uffant.

annulaziun da l'instrucziun

En cass d'ina annulaziun da l'instrucziun previsibla vegnis vus infurmads uschè baud sco pussaivel. Sch'ina persuna d'instrucziun croda or a curta vista, croda l'instrucziun ora fin ch'i dat ina substituziun. Tgi ch'è dependent d'ina assistenza entra en contact cun la direcziun da la scola.

annunziar l'absenza

Sche voss uffant duess ina giada esser malsau u na po betg frequentar la scola per in auter motiv, infurmai per plaschair avant che cumenzar l'instrucziun a la persuna d'instrucziun da la classe da voss uffant. En cass urgents po in'absenza era vegnir annunziata al manader da scola (079 418 21 72).

assegnaziun

Informaziuns tar l'assegnaziun en il stgalim superiur vegnan dadas a caschun da la saira da geniturs da la 5. classa. Ultra da quai vegnan era uffants da la 5. e 6. classa informads directamain da las personas d'instrucziun da classa.

attestat

La persuna d'instrucziun da classa dat in attestat sin la fin dal 1. semester ed in attestat final sin la fin da l'onn da scola. Ultra da quai ha lieu ina giada l'onn in discurs individual da la persuna d'instrucziun cun ils geniturs.

auto da posta

Ils uffants da Mulin survegnan in abunament annual per ir cun l'auto da posta da Mulin a Trin. Ils uffants dal stgalim superiur survegnan in abunament annual per viagiare senza restricziuns da Trin a Flem. L'abunament vegn chargià sin in SwissPass, il qual ils geniturs ston empustar e sch'el è donnegià u va a perder ston ils geniturs organisar in remplazzont.

autoritad da scola

La scola da Trin (scoletta e scola primara) è suttalessa al cussegl da scola da Trin che sa cumpona da 5 commembras e commembers. Il parsura dal departement da la suprastanza communal è commember dal cussegl da scola. Al cussegl da scola dal stgalim superiur da Flem fa in commember da Trin part cun vusch consultativa.

cass da malsogna

Sche voss uffant na sa senta betg bain ed è malsaun, na tramettai el per plaschair betg a scola ed annunziat quai via klapp a la persuna d'instrucziun. En cass da malsogna d'ina persuna d'instrucziun chattais vus sut annullaziun da l'instrucziun

ciclus

Las singulas classes vegnan repartidas en scola sco suonda:

ciclus 1: scolina fin a la segunda classa primara

ciclus 2: terza fin sisavla classa primara

ciclus 3: stgalim superiur

communicaziun

Nus na discurren betg da personas pertutgadas, mabain cun personas pertutgadas! Plinavant ans legrain nus, sch'ils geniturs s'interesseschon per il manaschi da scola e sch'els arrivon tar nus cun dumondas e/u cun feedbacks.

contact

In bun contact tranter la scola e la chasa paterna ans stat a cor. Per dumondas, problems u per resuns as drizzai l'emprim a la persuna d'instrucziun da classa. La segunda persuna da contact resp. post d'informaziun è il manader da scola. Sch'in problem u ina dumonda na po betg vegnir sclerida tras quests dus posts da consultaziun, vegn envidà il cussegl da scola.

cuminanza

En la cuminanza da nossa scola duain tuts avair lur plaz. Il resguard vicendaivel e l'observaziun da reglas fixadas èn la basa persuerter.

cuntanschibladad

Nossas personas d'instrucziun n'èn betg cuntanschiblas 24 uras a di. Sche vus drizzais dentant via klapp a las personas d'instrucziun voss giavischs, vossas annunzias u autras dumondas, survegnis vus in feedback durant las uras da biro usitadas.

cunvegns da sportists

A partir da la 5avla classa datti per sportistas e musicists talentads la pussaivladad da definir lur absenzas en furma d'ina cunvegna cun regulaziuns

e cun obligaziuns spezialas. Ulteriuras infurmaziuns en chaussa survegn ins tar il manader da la scola.

dentista

Ina giada l'onn han lieu las controllas da controlla tras la dentista da scola, dunna dr. med. dent. Anita Wehrle Lechmann. Geniturs che vulan laschar examinar lur uffants sin agens custs tras il dentist privat pon annunziar giu lur uffants da la controlla en seria.

Dir ti

En nossa scola dian tuts ti in a l'auter – affons, geniturs, personas d'instrucziun ed il mainascola. Il ti stat per vischinonza, cunfidonza ed ina collaboraziun aviarta ed in partenari. Tier quei ti stat in tun respectus, curtesaivel e clar.

dis da joker

Ils geniturs pon retrer per lur uffant fin quatter mezs dis sco dis da joker. Quels dastgan vegnir duvrads a moda flexibla durant l'onn da scola, cun excepziun dal cumenzament e da la fin da l'onn da scola.

Igl è da terminar quel dus dis ordavant.

dis da sport

La scola da Trin realisescha durant l'onn da scola dis da sport. L'experientscha communabla da giueu e spass stat en il center.

dis da visita

Ils dis da visita per ils geniturs han lieu durant il segund semester. Las datas vegnan publicadas a temp en il bulletin e sin la homepage. Durant quests avantmezdis pon geniturs e personas interessadas a la scola prender invista en il mintgadi da scola.

ductrina

En nossa scola ha lieu mintg'emna ina lecziun da religiun che vegn organisada da la baselgia refurmada e catolica e che vegn per part realisada da nossas personas d'instrucziun. L'instrucziun vegn frequentada da tut las scolaras e da tut ils scolars. In'annunzia per motivs da la libertad da cretta u da conscienza è pussaivla, sto dentant vegnir inoltrada en scrit a las autoritads da scola avant il cumenzament da l'onn da scola e vala lura per il temp da scola restant a Trin.

dumondas da congedi

Sin il cumenzament e sin la fin da l'onn da scola na vegnan permessas naginas dumondas per prolungar las vacanzas. Dumondas da vacanzas entaifer l'onn da scola e per prolungar las vacanzas ston vegnir drizzadas en furma scritta a l'autoridad da scola cun in termin d'inoltraziun da 4 emnas da scola. Talas dumondas vegnan mintgamai permessas mo ina giada per ciclus. Ulteriuras

infirmaziuns en chaussa chattais vus en noss urden disciplinar punct 5 (Sin nossa homepage sut download – lescha ed urden da scola) e la lescha da scola. Guarda era sut dis da joker.

gimnastica

Per l'instrucziun da gimnastica dovran ils uffants vestgadira adattada e buns chalzers da gimnastica. Ad uffants pli giuvens èn recumandads chalzers cun ina serra tatganta. A partir da la 4. classa fan ils uffants la duscha suenter la gimnastica, sch'els han suenter anc instrucziun.

info da scola

Duas fin trais giadas l'onn mettan las personas d'instrucziun ensemen cun las scholaras ed ils scholars ensemen ina curta informaziun da scola che vegn tramessa a tut las chasadas da la vischnanca da Trin.

instrucziun da nudar

Mintgamai en la 1. e 2. classa organischeschan las personas d'instrucziun in bloc da nudar en in bogn cuvert en vischinanza. L'instrucziun vegn dada da nossas personas d'instrucziun che han ina scolaziun regulara.

instrucziun da promoziun per personas da lingua estra – tssl e rssl

L'instrucziun da promoziun per personas da lingua estra è ina purschida per uffants che n'han naginas enconuschientschas da tudestg u da rumantsch u mo insuffizientas. Ella sustegna ils uffants d'emprender ina lingua tudestga u rumantscha cun la finamira ch'els s'acquistian spert enconuschientschas da la lingua fundamentala per suandar en scola a l'instrucziun.

instrucziun da traffic

L'instrucziun da traffic ha lieu en la scolina ed en il decurs dal temp da scola obligatoric e vegn organisada da la polizia chantunala dal Grischun. En il ciclus 1 sa drizza il focus sin il cumportament correct sco pedunas e peduns en il traffic sin via sco er sin ils privels dal traffic. En il ciclus 2 vegnan tiers las reglas sco velocipedistas e velocipedists ed er ils privels en l'internet.

instrucziun davart l'enconuschientscha sexuala

Mintga dus onns survegnan ils uffants da la 5. e 6. classa instrucziun separada tenor schlattaina. En quest connex vegn lavurà cun in med d' instrucziun ch' è adattà al stgalim.

klapp

A la scola da Trin vegn communitgà ed infurmà tras l'app KLAPP. Excepziuns pon esser formulars che pretendan vossa sutscriziun persunala u infurmaziuns tar ils quals ina consegna sin palpiri fa vinavant senn. Ultra da quai èsi mintgatant pli simpel e cunvegnent da discutir tschertas chaussas per telefon.

lavor sociala da scola

La scola da Trin n'ha betg in post spezialisà per lavor sociala da scola. En cass da basegn po la direcziun da la scola consultar la lavor sociala da scola a Flem u auters posts externs.

linguas d'instrucziun

Las linguas d'instrucziun èn rumantsch e tudestg en la scolina ed en la scola primara (en scola linguas da scrittira). A partir da la 1. classa primara vegnan instruidas 2 uras ad emna tudestg sco 2. rom linguistic. La matematica vegn era instruida en lingua tudestga. A partir da la 3. classa crescha la cumpart dal tudestg a moda constanta. En la 5. & 6. classa vegnan instruidas 5 lecziuns d'instrucziun da lingua e matematica per tudestg ed ils auters roms per rumantsch grischun.

logopedia

La logopeda da la scola da Flem s'occupa era dals uffants da Trin cun singularitads linguisticas pli pitschnas u pli grondas.

marenda

Guarda sut pausa

medi da scola

Durant il 2. onn da scola resp. a la fin dal temp da scola obligatoric ha lieu ina examinaziun da la media u dal medi. Questas examinaziuns vegnan fatgas da las medias e dals medis da chasa e d'uffants ed organisadas da las persunas cun la pussanza dals geniturs, finanziadas èn ellas dentant da la vischnanca.

objects chattads

Guarda sut pedel.

occurrenzas da scola

Tar las occurrenzas da scola tradiziunalas da la scola da Trin tutgan la festa d'avertura da scola resp. la festa da Nadal, las Muntinadas, ils dis da guaud da la Scoletta, il di da pumera dal stgalim bass, il di da la chaglia da la 3./4. classa e l'emna da project da la 5./6. classa sin l'Alp Mora. Ils viadis da scola han lieu tradiziunalmain la primavaira e l'atun.

Pagina d'internet

Sut l'adressa d'internet www.scolatrin.ch chattais vus comunicaziuns actualas e bleras informaziuns da nossa scola.

partiziuns

A nossa scola appartegna la scolina (scoletta) e la scola primara. Il stgalim superiur frequenta nossa giuventetgna a la scola da Flem.

pausa

L'avantmezdi ed il suentermezdi ha lieu mintgamai ina pausa. Igl è en l'interess da voss uffant, sche vus al pudais dar insatge da mangiar saun e cumplain.

pedagoga curativa

La Scoletta e mintga singula classa vegn sustegnida d'ina pedagoga curativa durant duas lecziuns per emna. Ultra da quai è la pedagoga curativa en cass da basegn er da la partida durant autras unitads en las classas. Las pedagogas curativas lavuran per part cun singuls uffants, per part cun gruppas pli grondas, uschia che mintga uffant po profitar.

pedel

Sche voss uffant ha pers insatge u emblidà quel en la gardaroba, ha el davant la gardaroba en la chasa da scola e sut la vitrina da la halla plurivalenta ina chista cun objects chattàs. Sch'ils objects pers n'èn betg da chattar, as drizzai per plaschair a noss pedel da la chasa da scola, signur Carl Cafilisch (tel. 078 811 00 38).

plan da vacanzas

Il plan da vacanzas da la scola da Trin chattais vus sin nossa pagina d'internet u sin la pagina 9 da questa broschura.

Remartga: Venderdi avant las vacanzas finescha l' instrucziun da scola per tutas e per tuts suenter duas lecziuns da suentermezdi, avant las vacanzas da stad da mezdi.

plugls

Geniturs che constateschan plugls u lendels tar lur uffants èn dumandads d'infurmar immediatamain la persuna d'instrucziun da la classa correspondententa en chaussa e da tractar l'uffant correspondentamain cunter l'infestiun da plugls.

policist

Guarda sut l'instrucziun da traffic

prescripziuns

Reglaments, leschas e directivas impurtantas che pertutgan la scola chattais vus sin www.scolatrin.ch sut downloads.

promoziun da la sanadad

La sanadad cumpiglia ils aspects corporals, psichics e socials. La scola da Trin emprova da promover en differentas modas la sanadad e la chapientscha da la sanadad da las scholaras e dals scholars.

promoziun integrada

Guarda sut pedagoga curativa.

psicomotorica

La terapia da psicomotorica (TPM) è ina purschida da sustegn en scola per uffants cun singularitads u cun divergenzas en il cumportament da sa mover. Las permissiuns per ina terapia dat la direcziun da la scola.

qualitad

La scola da Trin sa stenta d'examinar cuntinuadamain la qualitad da sia lavur. Uschia pon vegnir definidas cleras finamiras e deducidas mesiras sistematicas per sviluppar vinavant quellas.

raischens

Tant l'instrucziun da la scolina sco er da la scola han lieu per part al liber. Nus supplitgain vus da controllar suenter bain voss uffants sin raischens ed allontanar els.

rimnar gasettas

Trais giadas ad onn vegn il palpigi vegl rimnà en la vischnanca tras las scholaras ed ils scholars a partir da la 3. classa. Infurmaziuns davart l'andament survegnis vus mintgamai avant l'emprima rimnada.

saira da geniturs

Mintga persuna d'instrucziun da classa che surpiglia ina nova classa organisescha durant l'emprim quartal ina saira da geniturs. Ella serva ad emprendre d'enconuscher in l'auter e da barattar infurmaziuns generalas.

scola da musica

L'instrucziun da musica extrascolara vegn purschida da la scola da musica dal Plaun. www.musikschule-imboden.ch

stgalfins

Mintga uffant duess avair a l'entschatta da la scola chalzers da chasa adattads e stabels. En la scoletta èsi impurtant che quels pon vegnir serrads bain e ch'els han ina sola antiglischnanta.

tscherna da professiun

La tscherna da professiun è tema dal stgalim superiur a Flem. A partir da la 5. classa datti il di naziunal da l'avegnir, nua ch'ils uffants vegnan confruntads per l'emprima giada cun il mund professiunal.

urden disciplinar


Sin nossa pagina d'internet chattais vus sut downloads – lescha ed urden da scola era noss urden disciplinar. Quel sa basa sin la lescha da scola e cuntegna blers reglaments e puncts che valan per nossa scola.

valitaziun

Guarda sut attestats.

viadi a scola

La responsabladad per la via da scola da las scholaras e dals scholars han ils geniturs. En cass da l'utilisaziun d'urdains cun rodas sin l'areal da scola exista in obligatori da chapellina. Sch'in uffant vegn a scola cun il velo, decidan las persunas cun la pussanza dals geniturs. Per motivs da segirezza prescriba la Scola Trin la ruta. Ils velos ston vegnir tschentads giu tar susta per velos da la halla polivalenta.



via da las instanzas

Guarda sut contact.

violenza

Violenza e conflicts èn displaschaivlamain in tema en mintga scola. Sche vus avais l'impressiun che voss uffant saja suttamess repetidamain a las acziuns negativas d'in u da plirs uffants, as supplitgain nus da contactar uschè baud sco pussaivel la persuna d'instrucziun da classa. Uschia pon vegnir discutadas ed instradadas uschè spert sco pussaivel mesiras da sustegn.

Ulteriuras adressas

Scola Trin

Informaziuns generalas, termins und downloads

 www.scolatrin.ch

 scolatrin@scolatrin.ch

Vischnanca da Trin

Informaziuns tar la administraziun communal

 www.trin.ch

Stgalim superiur Flem

Informaziuns tar il stgalim superiur

 www.schule-flims.ch

Medi da scola

Jörg Prediger, Facharzt Allgemeine Innere Medizin FMH

 www.praxis-prediger.ch

 081 911 10 55

Dentista da scola

Dr. med. dent Anita Wehrle Lechmann

 www.dentista-surselva.ch

 081 911 22 21

Inspectorat da scola Val dal Rain-Partenz-Tavau

Post regional da consultaziun e da triascha per tut las dumondas da scola

 <https://www.gr.ch/DE/institutionen/verwaltung/ekud/avs/inspektorat/rheintal/Seiten/default.aspx>

 maria.wolf-beart@avs.gr.ch

Chantun Grischun – Uffizi per la scola populara ed il sport

Basas giuridicas, rom da furmaziun e.u.v.

 www.avs.gr.ch

Servetsch psicologic da scola Uffizi regional da Domat

Cussegliaziun en dumondas d'emprender e da svilup

 081 257 64 17

Psichiatria d'uffants e da giuvenils dal Grischun

Post da consultaziun per la psichiatria d'uffants e da giuvenils dal Grischun per mintga sort da singularitads dal cumportament u problems psichics da sensibilitad

 www.pdgr.ch

 058 225 19 19

Giuvaulta

Center per pedagogia speziala

 www.giuvaulta.ch

 081 650 11 11

Scola Trin – Via Principala 76 – 7014 Trin
scolatrin.ch – scolatrin@scolatrin.ch – 079 418 21 72 (mainascola)